

الإجماع 2008-11-26

453- حالات وأحوال: الحرمان من حق الألم (4)

تحريك الوعي قسراً، وأوهام التغيير

(الإدمان: دفع لنمو كاذب)

مقدمة:

ليكن...!!!!

ولتأخذ "الحالات" معظم مساحة النشرات، ربما يساعدنا ذلك قليلاً أو كثيراً، مختصين وغير مختصين، أن نكف عن رؤية النص البشري "من الخارج"، عن رؤية المريض النفسى منفصلاً عما هو نحن، عن الفرجة على المرضى من مسافة.

هذه الحالات ليست حكياً للتسلية، ولا هي درس للحفظ، هي دعوة متجددة للأصدقاء ليشاركوا، كل بما عنده، أو بما ليس عنده مع أنه عنده، سواء أرسل لنا تعقيباً أو اكتفى بما وصله، الآن، أو فيما بعد.

نشرنا أحوال هذا الشاب حتى الآن في ثلاث نشرات (**نشرة 11-2008-11 الحق في الألم 2 الوفرة والرفاهية من الظاهر**)، وكنا قد وعدنا في النشرة الثانية أن نقرأ أقوال عادل بالذات وهو يصف رحلته مع المخدرات، وعلاقته بها، ثم نختم بالتعقيب النهائى كما دار في اللقاء العلمى الإكلينيكى مضافاً إليه ما تيسر بما يسهم في مزيد من التوضيح.

هذا الجزء الأخير هو ما سوف نحاول تقديمه في نشرة اليوم، وأدعو الله أن نتمكن من الانتهاء منه حتى ننقل إلى حالة أخرى.

نشرنا في الحلقة السابقة بعض شكوى عادل مجتمعة متضمنة وصفه لبعض مراحل تعاطيه، وما حول ذلك من احتياج ومشاعر، ونتناول الآن مناقشة بعض ذلك في محاولة قراءة لهذا النص بما تيسر، كالتالى:

عادل يصف هشاشة ذاته/جسمه/كيانه:

".....جسمى ماكانش عاجبئى، طويل قوى ورفيع، كنت بالبس بنطلون تحت البنطلون والى شرت تحت اللى شرت علشان

أبان احسن، وده فضل معايا حد 19 سنة وده كان بيخليني خايف من الناس".

تعقيب:

مايسمى صورة الجسم "ليس منفصلاً عن صورة الذات"، ولا هو مجرد مرادف له، لكن هل هي صورة مرسومة بجيال العقل، أم هي مخطط schema بيولوجي غائر مائل في الدماغ، أم أنها كلاهما، يبتعدان أحياناً، ويتطابقان أحياناً؟

تتكون صورة الجسم، مع تكون صورة الذات، وإن لم يتطابقا بشكل تلقائي، عادل لا ينقص تكوينه الجسدى شيء، وإن كان وزنه يميل إلى النحافة، إلا أنها تحافة يتمناها كل من هو ليس سهرياً، هذه الملابس التي يلبسها تحت الملابس، تعلن بشكل جازم أنه كَوْن جسده (ومن ثم لذاته) صورة "ليست هي"، قليلة هزيلة ضعيفة، ليست هي ما كان يرجو، أو يتمنى، مقارنة بمن حوله من الذين رأهم - من وجهة نظره - أضخم، وبالتالي أقوى، فهو ضعيف وسط الناس، فهو الخوف أمام الآخرين (الأقوى)، فمن أين يأتي بالتعويض؟

يأتى من فرط الحركة التي عاناها طفلاً (وهي اضطراب آخر)؟

يقول عادل:

"... موضوع الحركة الكثير والمشاكل كنت حاببها لأنها بتخليني مختلف، لكن برضه كنت خايف، ولما ابتديت اجرب المخدرات حسيت انى كبير، صايع، وعندي ثقة في نفسي. أضرب مخدرات: يبقى حاكم نسوان، وحايبقى لي مكان وسط الناس اللي أكبر منى لأن معاهم الإمكانيات الأكبر، عربية، فلوس، نسوان".

اضطراب "فرط الحركة" **Hyperkinetic Disorder** يصيب الأطفال ويعزى لأسباب متعددة، بعضها عضوى، وهو مشكلة مزعجة، خاصة إذا صاحبه تشتت الانتباه. الأهل يضيقون بفرط الحركة أكثر مما يضيقون بتشتت الانتباه **Attention Deficit**، الطفل المصاب عادة لا يهمله ما يترتب على اضطرابه هذا، وقد تختل علاقاته مع من حوله لفرط ما يعانون من حركته، أما أن يجب هو حركته ويستعملها لإثبات أنه مختلف، فهو أمر نادر، لكن هذا ما يقوله عادل، ولعل دلالة هي:

إن المسألة ليست في أن يكون أضخم أو أقوى، وإنما هي أساساً في أن "يتميز" فرداً له معاله "الخاصة"، "أن يختلف".

ما يترتب على فرط حركة مثل هذا الطفل من مشاكل في المنزل بالذات، يجعل الطفل موضع انتباه زائد، وهو بذلك يؤكد له ضمناً أنه "مختلف" بشكل ما.

لكن هذا التعويض لم يكن كافياً، لم يغن عادل أن يلاحظه الآخرون مجرد أنه يتحرك بإفراط، لم يكسبه ذلك لا التميز، ولا القوة التي يتمورها، ولا الهوية التي هي حقه الطبيعي، فيظل خائفاً.

• (لكن برضه كنت خايف).

المسألة إذن ليست في النجافة، أو في صورة الجسد/الذات، بقدر ما هي في الشعور بالضآلة، بالضعف، بالمعنى الأشمل، باللاتميز، باللاهوية، باللاشيئية.

فمن أين له ما يشكل به ذاتا متميزة متميزة (مختلفة)، قادرة (قوية)؟

"من المخدرات، !!!؟؟..ربما !

ليكن، وليجرب:

وحصل!!!

يبدو أن هذه المواد - لسرعة مفعولها، وتأثيرها في تغيير الوعي، تُشعر من يتعاطاها أن ثم اختلافا قد ألم به، غمرة، اختلافا، محدا، إنه يشعر بوضوح أنه ليس كما كان قبلا، ومن ثم هو يعيش، أو يصف هذه الدراية ويسميها بأسماء مختلفة، أشهرها "الدماغ"، ما هو يختلف عن ذى قبل، هو يختلف عن من حوله، فهو مختلف، هو "موجود"، هكذا بسرعة دون متاعب الندم، أو معاناة آلامه، ودون تحديات التعرف على الواقع، ودون صعوبات جدل الآخر، هكذا وجد عادل نفسه "كبيرا" فجأة، وأنه "قوى" بما في فيه الكفاية:

• "...ولما ابتديت اجرّب المخدرات حسيت إنى كبير، صايح وعندى ثقة في نفسى"

قامت المواد الإدمانية بالواجب وزيادة، من البداية لاحت له واعدة بيقين:

• "...حاكلّم نسوان، وحايبقى لى مكان..إخ"

يبدو أن إشكالية "الوعي بالذات" عند البشر تستسلم أن يتأكد كل واحد منهم بأنه "ليس كمثله أحد، ولا هو مثل أحد"، مهما بلغ التشابه، وأيضا: مهما تجلت أمام ناظريه قدوة رائعة، من هنا ساهمت المخدرات عند عادل أن أبلغته أنه ليس مثل "العيال التافهين اللى قده" بل هو ينتمى إلى من هو أكبر وأكثر صياغة:

• "كنت عاوز أحس بالاختلاف، ما اصاحبش العيال اللى قدى لأنى كنت باشوف الأصغر تافهين وتفكيرهم صغير."

عادل الذى أعلن في البداية شعوره بضآلة جسمه، يعود هنا يرى جسمه رؤية أخرى، ليست تحت تأثير المخدرات، لكنه يرى طوله - دون مخافته- جوازا للمرور إلى صحة من هم أكبر، (أكثر صياغة):

• "وأنا جسمى كان طويل فكان سهل انى اقعد مع ناس اكبر منى"

الله!!! إذن هو لا يرى نفسه طول الوقت ضئيلا كما ذكر سابقا، فأيهما نصدق، أو بتعبير أكثر علمية، فأيهما يصدق هو؟

في مثل هذه الأحوال لا ينبغي على المعالج أن يفرح أنه ضبط المريض متلبسا بالتناقض، فيروح يحاول أن يثبت له - أو لنفسه - بطريقة مباشرة، أنه: "هيه! هاهو يعترف بالعكس".. إلخ، وكان المعالج يرصد التناقض لإثبات وجهة النظر الأخرى، وكان المسألة هي اختلاف وجهات نظر، كل هذا تسطيح معطل، لا صورة الذات، ولا مخطط الذات Schema، ولا حتى واقع ما يتجلى لنا من الذات، (أنظر بعد) لا شيء من ذلك يتعدّل بالإقناع والإثبات والمخاجاة والمنطق.....

اضطراب فرط الحركة لَوَح لعادل - طفلا - بفرصة للاختلاف، لكنه لم يحقق له ما لَوَح به. فجاءت المخدرات المغيرة للوعي لتعلن إمكانية الاختلاف بشكل لا جدال فيه، وبأسرع وأسهل للسبل، ثم إن الاختلاف الذي جاء عن طريقها، جاء بنوع مناسب لاحتياجات المريض، لأنه اختلاف "مرفوض"، "حرام"، "غلط"، ...

وكلما زادت المسافة بين السواء والمفروض والصح، وبين التصرف الذي يرجى منه تأكيد الاختلاف/ ومن ثم تأكيد الذات، كان الجذب إلى هذا التصرف أقوى

• "بقيت اشوف الناس اللي بتعمل حاجات غلط هما اللي معروفين، فبقيت أحب الغلط، أبقي ضد المجتمع، ضد الدين، ضد الحكومة"

• "أنا كنت شايف الشباب اللي بتشرب مثل أعلى لي"

لم يكذب عادل خيرا،

ولم تحيب المخدرات آماله فيما وعدت به، في تلك السن الباكراة الحرجة (ثلاثة عشرة سنة).

• "...بدأت آخذ مخدرات وأنا عندي 13 سنة على سبيل التجربة، أخذت بالبجو عجبتي الدماغ، حسيت إن كده مبسوط ومزاجي رايق، خلاني باعرف اهزج وحسني إن بقيت صايغ، فده حبيبي أكثر فيه.."

التجريب بالتباديل والتوافيق ( فالكوكتيل):

من هذه السن الباكراة استطاع عادل أن يحقّق تصنيف كل مادة، وأثرها المختلف عن غيرها:

مثلا:

البانجو: بيخليني مبسوط ودماعي رايق، عجبتي الدماغ.

الحشيش: دماغه هادية (حبيت البانجو أكثر من الحشيش).

أبو صليبة: كانت بتديني ثقة في نفسي جامدة، بتخليني قلى ميت ومباحفش، يعنى اعرف اخش على حرمة واثبتتها

الكودافين: (الحب الكبير- الأب الكبير- الذهب الاحمر): الذهب الأحمر، الكودافين. أشرب إزازه الكودافين أطلع اخطب مكان حسني مبارك. كنت باحبه قوى، تماديت فيه قوى وبقي

يخليني مستريح جداً جداً جداً، باقول كلام حلو، هادي جداً، أثبتت النسوان في التليفون، حلو في الجنس، بيساعدني في المذاكرة، بيخليني اعرف اقعد وكمان اركز.

وهكذا،

لاحظنا وذكرنا ذلك في نشرة سابقة: (أدمغة المدمين ومستويات الوعي "1" بتاريخ 23-10-2007)، لاحظنا أن الاستمرار على مادة واحدة يفقدها تدريجياً وظيفتها الأساسية: "التغيير"،

التغيير:

المواد الإدمانية ليست مطلوبة أساساً للتخمين أو للإثارة، وإنما هي تأتي بالمراد من خلال التغيير، ومن هنا يجب أن نتعلم أن التربية، والوقاية، بل والعلاج، إن لم تحقق لهذا الوعي البشري النامي مطلبه في الحركة والتغيير، فهو معرض:

إما:

أن يُجمد تحت حواجز ووراء جدران الكبت والاعترا ب والهمود والتكرار والحمود،

وإما:

أن يلجأ إلى وسائل مفتعلة تحقق له مطلب التغيير السهل، ولا شيء بعده، إلا الخراب.

التغيير الطبيعي ليس مطلوباً للتغيير ذاته، وإنما هو يعلن حركة الحياة، واضطراب النمو،

صحيح أن أي تغيير قد يحقق في ذاته بهجة الدهشة، لكن الدهشة ليست غاية في ذاتها، بقدر ما هي - في الظروف الصحيحة الصحية - إعلان "البداية" لتغيير نوعي إبداعي نمائي.

المواد الإدمانية تنجح في إحداث التغيير أسرع وأوضح، لكنه تغير بدائته هي نهايته، فهي الدائرة المغلقة، أولها في آخرها، فإذا تكررت هي هي مدة طويلة، فقدت وظيفتها في تحقيق هذا النوع من التغيير.

من هنا نرى المدمن وهو يتنقل بين المواد الواحدة تلو الأخرى، ليس لينتقل من مادة ذات فاعلية قليلة إلى مادة ذات فاعلية كبيرة، بقدر ما هو يريد أن "يغير الصنف"، "ليغير حالة الوعي"، ومن هنا تبدأ، بشكل تلقائي حركة الخلط (الكوكتيل).

• "...شوية وبدأت اخذ معاه سومادريل، وبرنكلاز، شريط وشريط مع الإزازه مع الخشيش والباجو وده لمدة سنتين.."

• "...ولما غلى الكودافين من 2001 اتعرفت على البودرة. في الأول حرق وبعدين حقن، لما قالوا دماغها أحلى

وأقوى وصلت لـ 4/3 جرام في اليوم، أعمل مشاكل، أدخل المستشفى، وميشى النظام على كده...."

نتذكر كيف لاحظنا في الحالة التي عرضناها في النشرة السابقة (الحرمان من الحق في الألم والرفاهية المساحة) أن "التغيير" الذى يحدث نتيجة الانسحاب (التوقف عن التعاطي) يُحدث "دماغا" يطلبها المدمن أحيانا، فيتوقف مؤقتا بإرادته ليعانى آلام الانسحاب في مقابل أن يشعر بهذا التغيير.

نحن هنا نرى عادلاً وقد بدأ يمارس آلية "التغيير في الحل"، فهو يفعلها وهو يدور حول نفسه فرحا بالتباديل والتوافق والخلط (الكوكتل) بشكل نشط متغير، رجح له من هذه السن المبكرة أن "هذا هو الحل".

#### الطاقة والسعادة:

• جرت إكستازى من سنة 99 مرة واحدة بعدين دخلت فيها 2001 في مصر، مش حاقولك بخلبك أسعد إنسان، هو بيضود هرمون السعادة لأقصى درجة، بقيت أحس إنى أسعد إنسان في الدنيا، وكل حاجة محلوقة، وتدينى طاقة جامدة قوى تخلينى أرقص، أسميها حبوب الرقص، 3 - 4 حبايات لما تكون موجودة عمري ما قلت لها "لأ"، لحد دلوقتى.

لا يوجد تناقض حقيقى بين نفيه أن الإكستازى يجعله أسعد إنسان، وأن نفس المادة جعلته الأسعد بعد أن زودت هرمون السعادة لأقصى درجة، وكأنه بهذا التعبير الثانى قد أكد سلبية حضور السعادة سابقة التجهيز.

الوعى بالطاقة المفرج عنها ، هو غير توجيه وتوليد الطاقة الحيوية.

أهل الأطباء (وكثير من العلماء) موضوع الطاقة الحيوية وحركيتها وتوجهها، ربما لصعوبة دراستها، هذه إشكالية لا يمكن الوفاء بشرحها الآن، لكن يمكن أن نوجز بعض ما يفيد مما يتعلق بها كالتالى:

• حركة النمو تحتاج للطاقة، وهى في نفس الوقت تُنتج طاقة،

• طاقة الحياة، حالة كوننا بشرا، هى زخم الوجود والتطور، وهى هادفة غائية مبدعة بغض النظر عن إمكانية رصدها على أنها طاقة.

• لايمكن حبس هذه الطاقة الطبيعية في داخلنا طول الوقت، مادامنا أحياء،

الطاقة التى يتحدث عنها عادل هنا هى دقائق من مخزون قسرا، وهى تختلف في أحوالها وتوظيفها والشعور بها باختلاف عوامل شتى، لكنها في النهاية عبثية الانطلاق سلبية النتائج تكاد تكون - في ذلك - عكس الطاقة النمائية الخلاقة (برجسون مثلا).

حين يعثر شاب في هذه السن على ما يشعره بزخم وروعة حركية هذه الطاقة أو بدائلها، حتى لو كان سما هاريا، فإنه يعتبر أنه وجد ضالته، ويروح يستقبل تلك الطاقة بكل هذه الفرح، بغض النظر عن افتعال إطلاقها، أو قصر عمرها .

• أما الكوكابين فهو أحسن مخدر أخذته في حياتي، الدماغ العالية قوى، حب الناس، باقى اجتماعي، يديك ثقة قوية قوى في النفس، يحسك إنك أعظم إنسان في الدنيا ماشى على الأرض، وفيك طاقة قوية جداً

لأن هذه الطاقة، في الأصل ظهورها هنا بتحريك كيميائي قصير العمر، هي طاقة حيوية تميزها الإنسان كائنا واعيا لا تتم أنسنه إلا بعلاقة حقيقية بأخر، فإن هذه الطاقة - من حيث المبدأ - تحركنا نحو الناس "فيحب الناس بعضهم بعضا، ليكونوا بشرا"/ فإذا لم تتوجه هذه الطاقة إلى غايتها في عملية نمو طبيعية، فإنها تكبت، أو تنزاح إلى أهداف اغترابية تستوعبها لذاتها. المواد الإدمانية قادرة أحيانا على أن تحركها فجأة أو بسرعة من كهفها السرى، لتعلن طبيعتها، دون فاعليتها الحقيقية، برغم انحراف مسارها اغترابا،

قدرة هذه المواد على التحريك السريع لهذه الطاقة مع دراية بحركية توظيفها نحو الناس، يعلنها عادل هنا بفرحة طاغية، دون أى وعى بأنه تحريك مصطنع، عمره محدود.

الذى يجعل هذا التحريك مصطنعا هو زيف انبعائه، وليس طبيعة الطاقة التى أطلقها.

تُقمع هذه الطاقة - كما أشرنا - حين يحال بينها وبين شحن الآخر بها (العلاقة بالموضوع) وفي نفس الوقت لا تكون ثمة فرصة لها أن تساهم في أن تبدع الذات، أو تفيد "معنى" في الأداء والكلام والتشكيل،

البديل عن إطلاق هذه الطاقة الحيوية في مسارها الطبيعي هو أن تطلق في نطاق محدود، إلى ناحية جانبية، من ثقب الاغتراب (إن صح التعبير)، لتحقيق مكاسب على السطح، لا تصب في العملية النمائية التواصلية، مثل النجاح للنجاح، أو الثروة التراكمية، أو السلطة في ذاتها... الخ

وفي كلا الحالين (الكبت، والنشاط الاغترابي) تستمر الحياة راتبة عادية، ناجحة، أو ناجحة جدا جدا بمقاييس نجاحات السوق!

يصل إلى عادل، ومثله، أن هذا النجاح ليس نجاحا، أو أنه لا يعنيه، ثم يكتشف بالصدفة، أو بالمحاولة والخطأ، أنه استطاع بمادة سحرية أن يفجرها هكذا فجأة، فيحب الناس، وهو يتصور أنه حقق بشريته حين توجهت الطاقة إلى ما يلوح له أنه وجهتها الطبيعية: "الناس"، "حب الناس"

ما أسهل ذلك وأغباه!!

يُعلن ذلك الغباء حين تنطفئ الطاقة بانتهاء مفعول ما أشعلها اصطناعا.

فهو يحتاج إلى التزود بمزيد من الوقود باستمرار، مع أنه واقف في الحقل طول الوقت، دون نمو، ودون علاقة حقيقية بالناس، ودون تحقيق حتى ذاته التي لا تتحقق إلا بناس حقيقيين لم يوجدوا أبداً في حياته.

ويتكرر ذلك، وغيره ، طول الوقت، في كل مكان، وبكل المواد:

"وجربت I.S.D والمأشروم. في أمريكا وهولندا، كنت مدمن إكسات في أمريكا فتاجرت فيها سنة من حي فيها علشان أجيب فلوسها، كنت باطلع حق 3 - 4 حبايات في اليوم، حتى للمخدرات كان بيخليني كل ما نروح بلد احب اجرب المخدرات فيها، أهلى يتفسحوا ويستمتعوا بطريقتهم يلفوا على أماكن سياحية ويلفوا موانى العالم وأنا ألف أدور على المخدرات، ما أروحش بلد إلا لما اطلع مخدرات منها، انزل المناطق الشعبية اشوف ضريب ألاغيه تطلع مخدرات، كنت باسبب أهلى في فرنسا وأسافر هولندا، كل الخيرات عشتها".

أصبح الموضوع (الآخر) هو المخدرات وليس الناس، الناس هنا ماثلون فقط في خلفية الصورة، لكن لا بأس من التعرف على تنوعياتهم، وتشكيلاتهم بالمرّة، هكذا كان نشاط عادل وهو يسافر مع أهله بلاد الله خلق الله، وهو يمارس خبراته الخاصة مع المخدرات والناس والاختلاف مقارنة بالأهل الذين يتجولون بين الأماكن والأشياء، دون مخدرات، دون ناس، مع أنهم أيضا "على سفر" (كما يتصورون).

• يمكن موضوع السفر بوطنى أكثر، كنت باشوف بلاد جديدة، انفتاح أكثر، دماغى فيها تقاليد وعادات بلاد كثير، بقيت اركز في الناس: الناس بتاكل إزاي؟ بتتعامل إزاي؟ بتتبسط إزاي؟.

ذكرتني هذه الحملة بالذات بموقف إدمانى السفر شخصيا، وأنا أصر أن أقود سيارتى بنفسى طول الوقت، وأواصل اكتشاف الطبيعة والناس والتعرف عليهم من جديد، دائما من جديد، حتى لو كان نفس الطريق، ونفس الناس. تماما كما أنك لا تستطيع أن تنزل نفس النهر مرتين، أنت لا تستطيع أن تقطع نفس الطريق مرتين، يحدث ذلك لي سواء كان السفر في الداخل أو في الخارج من أول وجديد.

وجدت أنني لو عقببت على هذا المقطع الأخير من أقوال عادل، فقد أحتاج أن أعيد ذكر ما كتبته في أجزاء ترحالاتي الثلاثة (الترحال الأول)، (الترحال الثاني)، (الترحال الثالث)، وهو عمل ما بين السيرة الذاتية وأدب الرحلات، فاسمحوا لي أن أكتفى الآن بالإشارة إليها في الموقع، أذكر أنني في بداية الجزء الأول "الناس والطريق"، ذكرت ما يكاد يطابق ما قاله عادل تنوعيا للسفر، وتصنيفا له، وخاصة إشارته إلى ما يفعله هو ، في مقابل ما يفعله أهله.

تعاطى المواد الإدمانية هي سفر آخر، له نفس المواصفات تقريبا، مع الاختلاف في دائرية الحركة وشمية الوقود. كثير

من المدمنين يصفون خبرتهم في التعاطي بصفات السفر، (يسمونها أحيانا "تِريَاية" من TRIP أو "سحلة" إذ يعنون بها رحلة دوائية مَجْهَلَة.. إلخ)

\*\*\*\*\*

### مقتطفات من التعقيب في نهاية اللقاء العلمي الإكلينيكي (بعد التعديل للاختصار، ومع بعض التوضيح )

أنا قلت كل اللي عندي ... ما أظنش إنه مختلف كثير عن اللي انتوا قلتوه إلا في التسمية، الولد ده زى ما يكون نشأ في في شبكة علاقات مزيفة، حاجة كده زى قلتها، محصلتها في النهاية فراغ خادع vacuum يعنى طلع وسط مجتمع صاحب ملان "بالمافيش"، عشان كده هو "ماتوجدشى" من أصله، "ما كانشى"، ماينفعش أبدا إننا نتوقع إنه يبقى عنده "ذات" من أصله، فراح يا عيني يفحص في نفسه ويحاول يرسم صورة لها، ما عرفشى يشخبط غير صورة مش هيا: مرة مشوهة، ومرة مزيفة، لحد ما لقي المواد (الإدمانية) دى قدامه، زى ما يكون لقي ألوان شدته، قعد يلعب بيها ويشخبط، ويلون ويفرح، وهو مش واخد باله إن كله على الورق اللي بيتشرط في الآخر، كان فاكر إنه يرسم ذاته، يعنى بكده حاجلق له ذات، أو حتى مشروع ذات، أهو يبقى عنده "صورة ذات" وخلص.

الجدع ده ماخده فرصة تبقى له ذات من أصله، لازم حصلت حاجة من بدرى بدرى خلته كده،

صورة الذات دى مش مجرد صورة عقلية، ساعات بتبقى كده، لكن غالبا بتبقى غائرة متداخلة في "حطط" راسخ بيتشكل بيولوجيا باستمرار. إنتو مش عارفين الدكتوراة ماجدة الماجستير بتاعتها كانت عن الموضوع ده، بس أنا ما كنتش مشرف ولا حاجة، إنما الموضوع ده شدنى تمام، وأنا باكتب كتاب الأعراض symptomatology إالى ما اتنشرشى لحد دلوقتي إلا في صورة مسودة، احترت في الحكاية دى، لأنى لقيت فيه فرق بين صورة الذات، وبين "حطط" Schema الذات،

أنا بتولد وأنا ذاتى مرسومة هنا (يشيرد. يحيى إلى دماغه)، زى صباع رجلى ما هو مرسوم في الإنجرام بتاعه، يعنى باتولد وعندى مرسوم في دماغى، ويمكن في كل خلايا جسمى، مشروع حطط لما هو: "ذاتى"، وبعدين الصورة دى تتدعم بقى باللى يوصل لها من بزأها، يعنى بالاعتراف بالمشاركة، بالمواكبة، بالحاجات دى. المسألة دى مش ألفاظ بتتقال، يعنى ما هياش شعارات إن الأم لازم تحب إنها وكلام من ده، ما هياش حسن نية وعواطف ماسخة، الحاجات دى بتتبني واحدة واحدة بالممارسة الحسية العملية، لو المسألة كلام وعواطف مش هيه ممكن تتكون صورة بديلة للذات، حاجة كده معمولة من "أنت نور عيني"، و"انت أحلى واحد" "دا زى القمر" .. وكلام من ده، كل ده يعمل صورة مسطحة، زى قشرة من بزة، زى ما تكون ملزوقة من بزّه على البنى آدم .





بيتوجع معاه، يبقى وجع شكل تاني، وجع مكتوم، ينطفي، ويبعد، يستخي، وكل سنة وانت طيب.

أبوه طبعاً مش هايسمج بأى شيء من ده، مش حايقدر، عشان أب زى ده، بالزيف ده، راجل جميل جدا، كريم وطيب ومش عارف إيه، أنا شحيت ريحة من كلام دكتور نبيل لما بيقول إنهم عملوا مجتمع مزيف، هنا مزيف مش معنى كداب، لأ، معنى "اللى هو مش هوه"، عشان كده لما قلت للعيان وجع بحق وحقيق، وصل له حاجة، بس هو حتى لو يتحرك صح دلوقتي هايروح فين؟ مين ده إالى هايسمج له؟ ولا مين اللى هايعرّف بأحقيته في الحركة؟ لازم واحد يكون بيتحرك معاه، العلاقة من غير حركة ماتبقاش موجودة، العلاج بياخد باله من الحكاية دى، مفروض معنى، الحركة عادة بتبقى رحلة تجريب، تحسيس، الواحد بيشفو حاينفع ولأ بلاش منه، ماتقدرش تعمل علاقة من الوضع جالساً، لازم طالع داخل، طالع داخل. كونه بعد ده كله يطلع حاجة مايطلعش، ماعرفش، ماضمنشى، إحنا وشطارتنا.

انتم شايفين حاجة في اللى حصل معاه، لاحظتم الابتسامة بتاعته جرى فيها إيه؟ أنا أظن كلنا اتخدعنا فيها الأول لأنها شديدة الرقة، ابتسامة مش بلهاء لا معنى لها، لأه، دى ابتسامة اجتماعية مصنوعة من أروع ما يكون، إنما ما تعملش علاقة طبعاً.

لما تقرا الكلام الكثير اللى بيتّردد عن السعادة والذكاء العاطفي، والكلام الغريب اللى بيكتبوه ده عمال على بطل، يتهياً لك إن دى هي الابتسامة المطلوبة لتمشية الحال، أعتقد إن الخواجات بيبالغوا في قيمة الحكاية دى قوى، وتلاحظوا ان العيلة دى متعاضة خواجات، على تدين من الظاهر، واخدين الحكاية من بزّه من الناحيتين، السلي من هنا، علي السلي من هنا، يمكن تخدعنا كلنا ابتسامة زى دى، وأعتقد أن تصرفاتهم كلها سواء الخواجاتية أو الدينية هي تعبير عن اللى انا عايز أقوله ده.

المستوى ده من العيشة عبارة عن ألعاب مصنوعة، حاجة كده ناجحة ومقبولة ومعرّف بيها ومضى عليها وخلص، يبجي واحد منهم يتحرك أيها حركة كده أو كده بعيد عن قواعد الألعاب دى، يشطبوا عليه، لو هوا لسه عيل وبس بجنقة القفص من بدرى، بيتدى يلعب لعبته بعيد، وبجتك يا بو بخت، تيجي في إيده إزازة مكسورة، موس، سكينه، سم هارى، يحركه بعيد عنهم حركة زايقة، يتهياً له إن دى الحركة اللى حاتنقده، وعينك ما تشوف إلا النور.

يكن ده يفسر كل السطحية بتاعة العيلة دى، كل الفراغ الهو اللى شاورنا عليه في الأول، والوصف المرّخّخ بتاع كويس جدا جدا جدا: طيب جدا جدا جدا، وكريم جدا جدا، وامه بتحبّه جدا جدا جدا، وكله من ده، وهات انشغال بالفلوس والسفريات وكأنهم عايشين، أظن التدين اللى موصوف في ورقة المشاهدة (الشيت) حسب ما وصل لنا ممكن يتحط في نفس

المستوى من النفعية والصفقات، الحاجة اللي باين إنها ضعيفة جدا هنا هي الوصلة بين الناس دول وبين الناس اللي بحق وحقيق، ما شفتناش حاجة تدل على إن الناس في وعيهم بصحيح، الوصلة دي اللي مفروض بينهم وبين الناس باين عليها ضعيفة خالص، إذا اتوجدت من أصله.

طيب احنا حانعمل إيه دلوقتي؟..

يمكن بعد المقابلة دي نلاقي نقطة بداية، أنا مش متأكد إيه اللي حايفضل منها، إنما ربنا موجود وأدى احنا بنحاول، بس المصيبة إن الفشل اللي فات فطيع، تمانتاش مرة مستشفيات! يا خير! والواد عنده أربعة وعشرين سنة؟!، إيه ده؟

إنتم بتخلوا المدمنين يكتبوا مشاعرهم وكلام من ده، أنا ما ليش خيرة زيكم بصراحة، إنتم ناجحين ما فيش شك، بس الحالة دي عابزة حاجة تانية، ما تنسوش إنه دخل عندنا أظن خمس مرات من التمنتاش دول، لما تيجي تشتغل معاه لازم تعمل حساب الفشل السابق، ولا إيه؟ يمكن الواد ده لو كتب مشاعره يروح في ستين داهيه، حايجد نفسه ويجدعنا، حاجة كده زى ابتسامته ونجاح أبوه، مشاعر إيه اللي حايكتبها وهما خبوا مشاعره كلها تحت البلاطة، وما فاضلش يا عيني غير الفرقات اللي بتطلعها السموم دي، **"وهرمون السعادة"،** **"ياحب الناس كلهم"،** **"والكلام الفارغ ده"،**

الولد ده معظم اللي اتعمل فيه مش تبعه حتى النجاح، النجاح النسبي في الدراسة مش تبعه، وهو خدها من قاصرها وما نجحش، حتى الجنس، حاجات كده طيارى، واقدر أثبت النسوان وكلام من ده، فيه حاجات كتير ناقصاه، ويمكن ده اللي خلى د. نبيل وعبدته يختاروا في مشاعرهم تجاهه، فيه ذات زائفة أو يمكن ذات زائفة داخلية في بعضها ناتجة من لعبة اجتماعية ناجحة جدا بالمقاييس العادية، قوم جه إعلان فشلها مجسد في إدمان الجدع ده، إلی قدر يوافق من العيلة على قيم النجاح الظاهري دي عدى زى امه واخته، خدوها هيه هيه ونجحوا بيها، اللي مشى الناحية التانية يعني عادل أعلن فشلها، بس هو اللي دفع تمن الفشل، دا جو طرى مايع برغم النجاح، والفسج والسفر بزه والغلوس، ده جو كله بيّفوت لعله، جنس سماح، شرب سماح، ضرب سماح، بوليس سماح، كله تفويت، والفشل بيزيد، والتفويت بيزيد، وخدوه عاجوه زى ما انتو عايزين، وكان المشكلة بقت مشكلتنا احنا، واحنا اللي عايزين نعالجه عشان يحف، مش هم.

أ. عبده: مش عاوز نتكلم حضرتك شوية عن أخته؟

د. يحيى: الحقيقة اخته دي حدوتة لوحدها، يتهيأ لي ما فيش وقت، إنما هي عموما مشّت حالها لوحدها بطريقتها الخاصة جدا، لا اشتكت ولا حاجة، وعمالة بعد ما اتجبت اتحزقت، وهات يا بادى ولا بسة ملط والحمد لله، يعني لما كانت مش محجبة كانت مش مبينة أي حاجة، ولما اتجبت بيئت كل حاجة،

أنا ما عنتش فاهم حجاب يعنى إيه. طيب خرينا نمسك أخته بقى ونحطها في وسط الفرض ده، تعال ندور فين الزيف اللي فيها؟

الفترة اللي قعدت تدي فيها دروس وتحفظ وتحفظ القرآن كله، إمسكها كده وشوف فين اخته اللي بحق وحقيق، ناجحة حسب ما باين؟ صحيح هي حلوة، وذكية، ومدينة، لكنها بعيدة، ونازلة أحكام وإرشاد، دى حتى وهى مستغرفة في الدين راحت لمت نفسها على حته مُزّة بالحجاب، واللى عاجبه، فين أخته بقى في كل ده، قول لى فين؟ أنا في تصورى دى واحدة تُستعمل من الظاهر، لا أكثر، يعنى تحطها وسط كل نجاحاتها دى في وسط أودة وتلف حواليتها تقول الله حى عباس جى، أنا آسف لكن ده اللي وصل لى.

إنت تمسك العيلة دى فرد فرد، تلاقى الفرق بين عادل وبينهم إن ما حدش منهم وعى بالقضية اللي عادل اتورط فيها لما اكتشف إنه ما لوش ذات، وبعدين لما حاول إنه يرسم لنفسه "ذات" عملها بألوان مية باهتة، على ورق منيل بستين نييلة، ومع إن الألوان بتلمع في البداية إلا إن كله مؤقت، زى ما قلنا الألوان بهتت والورق بيظير. كل الباقيين ما يعيش بهذا الإهمال وهذا التشويه وهذا الإلغاء للذات الحقيقية، بس استمروا، والمسألة اتغطت بالنجاح والفلسوس والدين، قشور الدين المصنوعة مش الدين الحقيقى.

الجدع ده لما انكسر من بدرى، يمكن بفضل فرط الحركة طفلا، ومحنة مرضه بالسكرى وهو صبي جزئيا، والباقي زى ما شغنا، باقول الواد لما اتكسر من بدرى أعلنها بالهباب اللي عمله في نفسه ده، ودا بيعلن من ناحية خيبته، ومن ناحية ثانية بينبكه وانت بتعاجله إنك ما تحاولشى تعمله أو تدفعه إنه يبقى زى اخته أو أهله عموما، إنت لو حاولت تعمله زى اخته حاتفشل فشل ذريع، يمكن التمانناشر مرة اللي دخل فيهم المستشفيات وخرج زى ما دخل، غلطوا الغلطة دى، واحنا مسئولين عن فشل خمسة من دول زى ما انت عارف، الخطه تبقى من الأول مركزة على إنه لابد يطلع حاجة مختلفة عنهم بشكل ما، دينه يبقى مختلف، آله يبقى مختلف، ربنا يبقى مختلف، يبقى ربنا بحق وحقيق، يجوز الاختلافات تبان بسيطة بس نوعية، وخلي بالك لازم تراجع نفسك في الحالات دى، يمكن حد في العيلة، الأب بالذات مش عايزه يحف مجد، إنت عارف حكاية يعنًا بالنيابة، ويضرب بالنيابة، ويهلس بالنيابة، أنا مش حاشرحها تانى، إنما اللي جوا الأبهات أو الأمهات دول بيعمل عماليل مهببة من ورا الكل، الواد ده عايز ينفذ مجلده، لا يمكن حايرضى يرجع للقفص المتهمس ده.

المهم إن مهما الحكاية بانث مقفلة، فيه ربنا، وفيه نقطة بداية لاحت زى ما شفتوا، واحنا وشطارتنا، وربنا يسهل. . وشكراً بقى .

- الأطفال يعرفون التمييز أكثر فنحن نسمع عن الطفل الذواقة لنوع معين من الشيكولاتة أو البسكويت، وأصحاب مصانع هذا أو ذاك يجتربون دقة صنفيهم بعرضها قبل التسويق على أطفال لهم هذه الذائقة الحساسة.